



Protection visa ibukia ianena ake a ukoukora ana kamanomano te tautaeaka n te aba teuana

N aroia aaba tabeua, e kona naba Aotiteria ni katauraoa ana Visa teuana nakoia ianena ake a ukoukora kamanoaia i aan te tautaeaka n te aba teuana.

Te beeba ni kariaia ibukia ianena (te Visa) ae te Protection Visa (subclass 866) e kariaia te tiku ni maeka i Aotiteria n aki toki, nakoia naake a rinanon te bwainikirinaki ke a a ruaniakai maiuia i aon abaia. E aki karaoaki te Protection Visa ibukia naake a kan tiku ni maeka i Aotiteria n te tai ae maan, ibukin reken aia mwakuri ni kareketianti.

Ko aki kona ni kanoaa te booma ibukin te Protection Visa, ngkana ko mena i tinanikun Aotiteria. Ko riai moa n roko i Aotiteria n te Visa are ko katauaki iai ibukin rokom, ao e riai naba n itiaki taekam man te Aobiti ibukin te Mwamwananga (te Immigration).

E a tia ni karaoaki te bitaki ae bati nakon te Protection Visa, bwa e aonga ni waekoa riki aroni biriakinana irouia naake a boni kainnanaoia. Angiini booma ake a kanoaaki aika boou, a a baitii riki aroni karaoaia, ni kabotauaki ma ririki aika nako. Nanona bwa e a rangi ni kai reke te Protection Visa nakoia naake a boni kainnanaoia raoi, ma a aki anganaki naake a kan tiku n te aba ibukin reken aia mwakuri ni kareketianti, ke ibukini kani kaananauan tikuia i aon Aotiteria.

Tai kanoaa te booma ibukin te Protection Visa, ngkana ko aki kainnanao kamanoakim i aan te tautaeaka n te aba teuana. A waekoa n aki butimwaeaki te koraki ake a aki botau ma te kaetieti iai ae e kainnanaoaki (te Criteria).

Ngkana ko iangoa kanoaan te booma ibukin te Protection Visa (subclass 866), ti kaungako bwa ko na karekea buokam, ke te [free legal help](#), mairoun te tia mwakuri n te Tautaeaka ae e tabena te specialist refugee, ao te immigration legal provider.

- [Aroni biriakinan te visa ae waekoa](#)
- [Te Protection Visa bon tii ibukia naake a kainnanao kamanoaia i aan te tautaeaka n te aba teuana](#)
- [Te buoka man te tautaeaka](#)
- [Te bwai ae ko riai ni karaoia](#)
- [Kaetieti ibukin te mwamwananga](#)
- [Nenera te buoka ae eti raoi](#)
- [Tarataraike mairouia ake a bakaaea te riki bwa taani mwakuri man te tautaeaka](#)
- [Ngkana ko aki kariaiakaki te Protection Visa](#)
- [Ngkana ko tiku i aotiteria ao e a bane tain am visa](#)

- [Aanga ni katauraoan am visa riki ake tabeua](#)
- [Buokaia akana a bane tain aia visa](#)
- [Buokam ni kanoaan am booma ibukin te visa](#)

Aroni biriakinan te visa ae waekoa

Man taiani bitaki ake a karaoaki mairoun te tautaeka n Aotiteria, a a baitii riki ngkai aroni biriakinani booma aika boou ibukin te Protection Visa, ni kabotauaki ma ake n te ririki ae nako.

Tai kanoaa te booma ibukin te Protection Visa ngkana arona bwa ko aki kainnanao kamanoakim i aan te tautaeka n te aba teuana, ke ngkana ko aki botau ma ana Criteria te Protection Visa. Ane e na waekoa n aki butimwaeaki am booma iai.

A na bae n iai Visa riki tabeua aika ko kona ni katauaki nako iai. Ibukini reken te Visa ae katauaki ibukim, nora te ringke ae, [Explore your options](#).

Te Protection Visa bon tii ibukia naake a kainnanao kamanoaia i aan te tautaeka n te aba teuana

Te Protection Visa, e bon tii katauraoaki ibukia aomata (ke kaain aia utu) ake a a ruanikai maiuia ngkana a okira abaia, ke tao a rinanon te bwainikirinaki ae kakaiaiki i abaia ibukin:

- aia reeti
- aia Aaro
- abaia
- kaainakin te botaki ke te kurubu teuana
- te iango ni kaineti ma tautaeka i abaia.

Ibukini kanoaan te Protection Visa, ko riai ni mena i Aotiteria ma am Visa ae tuai ni bane taina, ao e riai naba n itiaki taekam man Aobitin te Immigration.

Tai kanoaa te Protection Visa ibukini kaananauan tikum i Aotiteria ibukin am mwakuri ni kareketianti.

A mwaiti riki booma aika aki butimwaeaki nakoia ake a butimwaeaki. 85% aika a aki butimwaeaki i aani bukina ae a aki botau ma te Criteria, ke te kaetieti ae e kainnanaoaki mairouia ibukini karekean aia Visa. Iai booma aika kanoaaki irouia kaain aaba riki tabeua aika e kaania 100% aki butimwaeai.

Ngkana e aki butimwaeaki am booma ao ko aki kariaiakaki te Protection Visa, ao ngkana e a tia naba ni bane tain am Visa, ko a riai ngkanne ni kitana Aotiteria. Ngkana akea iroum am Visa ae tuai ni bane taina, ane ko na karekeaki ma ni kaokaki nakon abam.

Ngkana ko aki kariaiakaki te Protection Visa, ao ane na karinaki bwa kanoan rongorongom ni mwamwanangam nakon aaba ake tabeua. E na kona naba iai ni kangaanga rokom ma am utu i Aotiteria n taai ake imwina, ao ko na kona naba iai n aki kariaiakaki bwa ko na kanoai booma ibukin reken am Visa n taabo riki ake tabeua.

Ngkana ko kanoaa te booma ibukin te Protection Visa, ko a kaotia iai bwa ko ukoukora te tautaeka n Aotiteria ibukini kamanoakim man abam.

Ngkana ko kanoaa te booma ibukin te Protection Visa, ko a kaotia iai bwa baika uoua aikai a boni koaua ibukim:

- Ko aikoa kona n okira abam i aani bukina ae ko kona n reke n te kangaanga, ke e kona n ruanikai maium ni karaoan anne.
- Kaain ana utu ngkoe te aomata ae rinanon te kangaanga.

Ngkana ko kariaiaki man te tautaeka bwa ko na kona n roko ao ni maeka n aaba riki ake tabeua (irarikin are abam) n akea am kangaanga, ane ko na aki anganaki ngkanne te Protection Visa.

Ko tii riai ni kanoaa te booma ibukin te Protection Visa ngkana ko kainnanao kamanoakim i aan te tautaeka n Aotiteria.

Wareka riki rongorongon aron Aotiteria ni karaoa te waaki ni kamanomano.

Te buoka man te tautaeka

Ngkana ko iangoa kanoaan te Protection Visa (subclass 866), ti kaungako bwa ko na karekea buokam ke te free legal help, mairoun te tia mwakuri n te tautaeka ae e tabena te specialist refugee, ao te immigration legal provider.

Aobiti Ibukini Buokam n te Tautaeka n Aotiteria n te Tabo ke te Aono Ane Ko Mena lai

Te Tabo ke te Aono	Aran te Aobiti	Ana Atureti n te Intanete
Australian Capital Territory	Legal Aid ACT	www.legalaidact.org.au
New South Wales	Refugee Advice and Casework Service	www.racs.org.au
Northern Territory	Refugee Legal	www.refugeelegal.org.au
Queensland	Refugee and Immigration Legal Service	www.rails.org.au
South Australia	Legal Services Commission of SA	www.lsc.sa.gov.au
Tasmania	Tasmanian Refugee Legal Service	www.trls.org.au
Victoria	Refugee Legal	www.refugeelegal.org.au
Western Australia	Circle Green Community Legal	www.circlegreen.org.au

A kona Aobiti aikai ni buokiko:

- n ataia bwa ko bon tau ni karekea te Protection Visa, ke aekakira te Visa ae tau ibukim
- n ataa n aroni kanoaan te booma ibukin karekean am Visa
- n ataa te bwai ae na riki ngkana arona bwa ko aikoa kariaiakaki te Protection Visa
- ni biriakina am Protection Visa ibukim, n angana ae kainnanaoki iai.

E kona naba n reke buokam man te legal aid ke te community legal centre n te tabo ke te aono ane ko mena iai.

Te bwai ae ko riai ni karaoia

Ngkana ko a karina am booma ibukin te Protection Visa, ao bon tabem taraakina raoi bwa a bane ni koaua ao n eti raoi rongorongo ake iai, e ngae naba ngkana e karaoaki am booma iroun temanna.

Ko aki riai n angan temanna bwa e na kanoaa te booma ibukim, n akeani moa am atatai n te kaetieti iai ke n te rongorongo ake a koreaki iai ibukim.

Aomata naba i Aotiteria, a kainnanaoki bwa a na aki taekini baika akea koauaia ibukia naake a kanoaa te booma ibukin te Protection Visa. E kaineti naba aei ma aroia ni kabuta ke n taekini rongorongo aika kairua, ake a na kona n rotaki iai taekaia naake a kanoaa te Protection Visa, ao aroia naba n anga taeka ni kairiri aika aki eti.

E kakaiaki mwini karinan rongorongo aika kairua ke aika kewe n te booma ibukin te Protection Visa, n ikotaki ma kabwakaan te tuuaa ae bubura, ke ko kona naba iai ni karabuutinaki i nanon tebwina te ririki, ke tao ko na kona n tuua ni kauoua iai. E na kona naba iai ni kangaanga nakoim ma am utu bwa ko na manga okira Aotiteria, n aki ongeia ngkana iai am visa ibukin te raraan, ibukia ataein te reirei, ke te PALM scheme visa are ibukia naake a mwakuri ni kareketianti.

Ngkana iai ae e iangoa kanoaakin te Protection Visa ao e butiiko bwa ko na korea am reta ibukini boutokaana, ko riai n tii karaoa anne ngkana arona bwa ko kakoaua ae te aomata anne, e kaaitara ma te kangaanga ae na ruanikai iai maiuna i abana, ke tao e rinanon te bwainikirinaki i aon abana. Kaungaa bwa e na karekea te buoka ae te free legal help, ae kona n reke ioun ane e tabena te specialist refugee, ao te immigration legal provider n ami aono.

Kaetieti ibukin te mwamwananga

Ngkana ko na kanoaa te booma ibukin te Protection Visa, e kona n aki butimwaeaki am booma ngkana ko mwananga nakon te aba are ko tangiria bwa kamanoko Aotiteria mai iai, e ngae naba ngkana a maeka am utu ikanne.

Ngkana ko anganaki te Protection Visa, ko na aki kariaiakaki ngkanne bwa ko na nakon te aono are ko karekea kamanoam iai n akean am kakaeti moa nakon te Tautaeke n Aotiteria, e ngae naba ngkana a mena am utu ikanne.

Nenera te buoka ae eti raoi

Te buoka ibukin arom ni kanoaa te Protection Visa, e tii kona ni karekeaki man Aobitin te Immigration ake a mena i aan te tautaeke, ao mairouia naake a mwakuri i aan te Australian Legal Practitioner.

Te aomata ae katauaki naba bwa e na buokiko, ae e aki mwakuri n Aobitin te Immigration ke ae tiaki te tia mwakuri n te Legal Practitioner, bon:

- te tia boutokaiko
- kaain am utu temanna
- te tia mwakuri ae bubura nakoana n te auti ni maungatabu
- ianena ake a boutoka te reitaki i marenan te aba ma aaba riki ake tabeua
- te tia mwakuri temanna n te Aobiti ae tabe ma reitakin te aba ma aaba riki ake tabeua
- temanna kaain te Botaki n te Tautaeke n aaba riki ake tabeua.

Te aomata ae tiaki te tia mwakuri n te aobiti ibukin te mwamwananga ke e aki mwakuri n te Legal Practitioner, e na aki riai n anaa boona mairoum ibukin aia ibuobuoki. E katabuaki te aomata anne n tiaatiniko ibukin ana ibuobuoki.

Ko kona n tuoa am aomata ae na buokiko n aobitin te mwamwananga, rinanon te atureti n te intanete ae te Office of the Migration Agents Registration Authority (OMARA), ke tao ko kona ni karekea buokam man te Australian legal practitioner.

Wareka ao noria bwa antai ae e tau ni buokiko ni kanoaa am booma i aon Aotiteria.

Nora arom ni kakaaea te tia mwakuri n Aobitin te Immigration ae kona ni buokiko.

Tai angan temanna bwa e na kanoaa te booma ibukim n akean otam n te kaetieti ibukin te booma, ke te rongorongo are e a koreaki iai ibukim. Taraia raoi bwa a na bane ni koaua ao n eti taian rongorongo ake ko korei, e ngae naba ngkana e karaoaki am booma ioun temanna.

Taratarai ko mairouia ake a bakaaea te riki bwa taani mwakuri man te tautaeka

E tabuaki n te Tua bwa e na anga te aomata te kairiri ibukin te mwamwananga, ao tiaki ngaia te tia mwakuri ae katauaki n te Aobiti Ibukin te Mwamwananga ke te Rooia mai Aotiteria, ao e kona n rotaki tikum i Aotiteria ngkana ko karekea buokam mairoun te aeka n aomata anne.

Naake a bakaaea te mwakuri i aan te tautaeka, n angiin te tai, a anganga aia buoka n te intanete ke a aki toki ni kaokaota aron aia mwakuri n taabo n reitaki n te intanete. N tabetai, a kairiia naake a kanoaa te booma ibukin te Protection Visa, bwa a na karini rongorongom aika kairua ke aika kewe, ao e korakora te tuuaa ae kabwakaaki imwini aia buoka ae aki raoiroi anne.

Ngkana iai temanna ae kataia ni buokiko ni kaineti ma aron te mwamwananga ao n te aro ae aki kariaiakaki i aan te tautaeka, ko kona n tuangira rinanon te [Border Watch Online Report](#). Ko kona naba n aki kaota aram.

Ngkana ko aki kariaiakaki te Protection Visa

Ngkana e aki butimwaeaki am booma ibukin te Protection Visa:

- Ko riai ngkanne ni kitana Aotiteria ngkana e a bane tain am visa
- E na kangaanga manga okim nako Aotiteria ibukim ma am utu
- E na tiku bwa rongorongom aki butimwaeakin am Protection Visa n te Immigration
- E kona naba n aki manga butimwaeaki am booma ake ko na kanoai ibukin taabo riki tabeua itinanikun Aotiteria.

Ngkana ko tiku i aotiteria ao e a bane tain am visa

E ukoukorii te Tautaeka naake a aki kariaiakaki te Protection Visa ma ake akea riaia n tiku i Aotiteria, ao e kaokiia nako abaia. E karaoaki aei ibukini barongan raoi aroni butin ana waaki te Aobiti Ibukin te Mwamwananga i Aotiteria.

Ngkana ko karekeaki ao ni kanakoaki mai Aotiteria imwin aki kariaiakam te Protection Visa, ko na kona naba ni kabwaka te tuuaa ibukini manga okim nakon abam. Ao e kona aei n rokoroko n tenga te taraa.

Aanga ni katauraoran am visa riki ake tabeua

A kona n iai taiani visa aika a na nakoraoi ibukim.

Ibukini kakaeen te Visa ae nakoraoi ibukim, nora te ringki ae, [Explore your options](#).

Buokaia akana a bane tain aia visa

Ngkana ko kan ataia bwa e na bane tain am Visa n ningai ke tao e a tia ni bane taina, kanoaa te booma n te [Visa Entitlement Verification Online \(VEVO\)](#).

E kona ara buoka ae te Status Resolution Service (SRS) ni buokiko ngkana ko kainnanao buokam ni kaineti ma aron te mwamwananga. Taani mwakuri n te SRS, a kona:

- n tuangko ke ni kaotii nakoim kangaanga aika a na kona n tukiko ibukini biriakini am Visa
- ni katauraoi rongorongom aika mataata raoi ibukini baikoa ko na karaoi ni kaineti ma te mwamwananga ao aanga aika raoiroi ibukin aron okim nakon abam
- ni biriakini aia visa naake a katauaki iai ake a kariaiakaki n te tautaeka.

Nora riki taekan te [Status Resolution Service](#).

Buokam ni kanoaan am booma ibukin te visa

Ko kaungaaki bwa ko na karekea buokam, ke te [free legal help](#) mairoun ae tabena te specialist refugee ao ae kaaina te Aobiti Ibukin te Mwamwananga, bwa a na buokiko n ataia bwa ko tau ni karekea te Protection Visa raa, ke ko aki.